



SAOPŠTENJE ZA JAVNOST

Određen pritvor za lice D.H. zbog osnovane sumnje u izvršenje krivičnih djela Izazivanje opšte opasnosti i Lake tjelesne povrede

(Brčko, 12.05.2025. godine)

Na prijedlog Tužilaštva Brčko distrikta BiH, Osnovni sud Brčko distrikta BiH odredio je pritvor licu D.H. (46)* iz Brčkog, zbog postojanja osnovane sumnje da je izvršio krivično djelo Izazivanje opšte opasnosti u sticaju sa krivičnim djelom lake tjelesne povrede.

Osnovni sud Brčko distrikta BiH je odredio jednomjesečni pritvor licu D.H. iz Brčkog zbog postojanja osnovane sumnje da bi ukoliko osumnjičeni bude boravio na slobodi mogao ponoviti krivično djelo ili dovršiti pokušano krivično djelo, odnosno krivično djelo kojim prijeti a za to krivično djelo se može izreći kazna zatvora od 3 (tri) godine ili teža kazna.

Naime, u večernjim satima dana 6. maja 2025.godine ispred porodične kuće oštećenog Š.Z. (62)* iz Brčkog u ulici Rogozan u Brčko distriktu BiH, lice D.H. (46)* sačekalo je i ciljano fizički napalo lice Š.Z. nanijevši mu lakše tjelesne povrede udarcem stisnute šake u predjelu lica, a zatim je iz automobila uzeo unaprijed pripremljena četiri improvizovana zapaljiva sredstva natopljena benzinom tzv. „Molotovljeva koktela“, zapalio ih i tri bacio na terasu porodične kuće oštećenog Š.Z. u namjeri nanošenja štete na imovini oštećenog izazivanjem požara, dok je četvrto zapaljivo sredstvo bacio u smijeru Š.Z. u namjeri da ga povrijedi ali ga nije pogodio. U ovom događaju došlo je do lakših tjelesnih povreda oštećenog Š.Z. (62)* i uzrokovanja značajnije materijalne štete na porodičnoj kući oštećenog. Nastanak štete u većem obimu spriječen je adekvatnom reakcijom oštećenog Š.Z. iz Brčkog. Nakon izvršene kriminalističke od strane Policije Brčko distrikta BiH, lice D.H. (46)* lišeno je slobode dana 06.maja 2025.godine u 23:55 sati.

U daljem toku postupka, Tužilaštvo će nastaviti poduzimati sve istražne mjere i radnje u cilju utvrđivanja svih važnih činjenica za ovaj događaj i daljeg krivičnogpravnog procesuiranja odgovornog lica.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ